

痘科應用古今方藥

卷六下

俞天池輯錄

加解釋

用桂以煖之。猶五苓散是矣。

十全大補湯

八十三

人參

白朮

茯苓

甘草

當歸

川芎

白芍

熟地

黃芪

肉桂

補氣用參、茯苓、木草皆和平之味。故曰四君子補血用歸、芍、地、四物足矣。故曰四物加黃芪以助陽固表。加肉桂以引火歸元。名曰十全大補湯。金匱曰：虛者十補勿一瀉之。此湯是也。治痘氣血兩虛之症。豈不大妙。史氏云：痘瘡癰落之時。當加金銀花為君。以治餘毒。金銀花氣味俱薄。非重用不為功。

芫荽酒

八十四

芫荽四兩，切碎。

如無芫荽子，亦可用糯成細末。

以好酒二盞，煎兩沸，入芫荽。

用物蓋定，再煎，勿令洩氣。去渣，候溫，吸一二口，從項下微噴。

滿身至足，令遍，勿噴頭面。

恐引痘上，聚頭面也。

覆煖，移時即出。

此治痘欲出不出，令其速出之仙方也。

甘桔湯

八十五

甘草

桔梗

此方清肺熱，利胸膈，療咽喉腫痛。甘草味甘，氣溫平，溫能除大熱，甘則不峻下。同桔梗能清上焦之邪熱。桔梗味辛苦，氣

微溫。辛則能散。苦則能清。爲舟楫之藥。載諸藥不下沉。同甘草能戀胸膈。消膈上之痰涎。清肺中之鬱熱。肺熱除而咽喉自利矣。本方加連翹牛蒡訶子肉薄荷各甘桔清金湯加連翹牛蒡射干竹瀝名甘桔化毒湯。

利咽解毒湯

八十六

桔梗

甘草

牛蒡

山荳根

防風

元參

麥冬

紫草茸

此方用山荳根爲第一利咽之藥。咽喉腫痛。氣管爲喉。食管爲咽。毒火上炎也。非解毒不可。諸品皆解毒利咽之品。但紫草茸必須。

痘色乾紅或帶紫血熱不化者方可用。

甘露飲 八十七

人參

白茯苓

甘草

生地

麥冬

五味

知母

花粉

葛根

上焦火加生藕汁桔梗山梔

中焦火加石膏黃連黃芩

下焦火加黃柏熟地去葛根

又方 王氏

天冬

麥冬

生地

熟地

石斛

茵陳

黃芩

甘草

枇杷葉

去毛

又方

生地 熟地 茵陳 麥冬 黃芩 石斛

枳殼 桔梗 枇杷葉 去毛

治喉舌牙疳痘後牙疳出血口臭口爛以上三方俱可斟酌加減用之其效直如甘露之能潤萬物也

導赤通氣湯 八十八

人參 當歸 生地 石菖蒲 麥冬 木通

加燈心煎

導赤者導引心小腸之火而入膀胱從小便而泄也。若心氣不通則赤何由而導乎。故用木通生地燈心以導心火。用人

參麥冬以滋肺氣

膀胱以氣化氣足則津液通矣

更用菖蒲以通心氣蓋心

主生血血不足則火益盛故用當歸生地以養心本方去

木通菖蒲加升麻以涼心血名養心化毒湯又名當歸養心

湯

清金散火湯

八十九

麻黃

去根節蜜水炒

紫蘇

桔梗

牛蒡子

炒

甘草

腹脹加厚朴腹皮

大小便秘加葶藶子

炒研

山梔仁

炒

此方因心肺有實火而製也肺屬金金空則鳴有火則為嗽為喘為痰為聲音不清或因肺感風寒久則變而為火或囚

心火逼肺。或毒火上炎。客於肺臟。用此方以清之。散之。肺與大腸爲表裏。腹脹大便秘之症。客或有之。若因心火而然。則心與小腸爲表裏。小便秘之症。亦所應有。用山梔仁清心火。葶藶子性苦寒。走心肺二經。清火利小便者也。

宣風散

九十

牽牛

四兩半生半炒搗止取頭末一兩

枳櫚 二兩

陳皮

甘草

各五錢

右爲末。二三歲者。蜜湯調下五分。

此治痘瘡纔出。或變黑。或青紫。或出不快。而黑陷。因平昔油膩炙煨。飲食過多。以致腸垢者。用此以下之。兼治喘而腹脹。

大小便秘者

玉鎖匙 九十一

硼砂 一錢

水片 一分

兒茶 三分

硃砂 水研飛

文蛤 即五倍子打碎炒五分

右為極細末將蘆管吹咽內

此治咽喉腫脹或閉或爛並皆佳妙如玉匙之可以令鎖立開也兼治熱喘亦妙

人參清膈散 九十二

人參 白朮

茯苓

甘草

黃芪

當歸

白芍

柴胡

紫苑

桔梗

知母

地骨

桑皮

黃芩

石膏

滑石

加姜二片

此治氣血兩虧、火積膈間、或時時咳嗽而喘、或大小便不利、或時時發熱、故用八珍以補氣血、不用地黃者、恐其泥膈也、用餘藥以清上中下三焦之火、使膈間不留餘毒也。

五苓散

九十三
附四苓散

猪苓

赤茯苓

白朮

澤瀉

肉桂

爲末每服

二三錢

或加姜棗煎服

傷暑者加硃砂燈心煎服

小

便不利而渴、或水瀉者、此方主之

仲景治傷寒、太陽病發汗後、大汗出、胃中乾、煩躁不

得眠、欲飲水者、少少與之、令胃氣和、則愈、若脈浮、小便不利、微熱、消渴、飲水過多者、此方主之、東垣曰、無惡寒之症、不可

用肉桂

本方去肉桂名四苓散

周揚俊曰五苓散專為渴而小便不利者設也若不渴則茯苓

甘草湯足矣若不惡寒則四苓散足矣渴而用此方者何也為其飲水過多也此皆為傷寒症而言也至後人用此方而加減之其名更得多矣汪詡菴云若因汗下之後內亡津液而致小便不利者不可用五苓散恐重亡津液而益虧其陰也

翁氏加木通東流水煎治痘內熱以之利小便**按史氏**曰經

云濕勝則濡瀉故濕淫於內者令人水瀉濕併於大腸故小

便不利白木燥而淡燥則能健脾淡則能利濕茯苓甘而淡

甘則能補中淡則能滲濕矣猪苓枯而淡枯者有滲利而無

補益澤瀉鹹而淡鹹者能潤下而兼滲利肉桂性辛熱辛熱

則能化氣。經云：膀胱者，州都之官，津液藏焉，氣化則出，桂有化氣之功，故併稱之曰五苓散。

耕烟氏按：陳來章曰：治小便秘之道有三：一曰肺燥不能化

氣，故用二苓澤瀉之甘淡以泄肺而降氣。余接肺虛不能化氣，則膀胱不泄，用

人參麥冬以滋化源。二曰脾濕不能升精，故用白朮之苦溫以燥脾而

升精。三曰膀胱無陽不能化氣，故用肉桂之辛熱以溫膀胱

而化陰，使水道通利，則上可以止渴，中可以去濕，下可以泄

邪熱也。余按：飲食入胃，施化津液，必先上輪於肺而後下入於膀胱也。

補托清解湯

九十四

人參

黃芪

甘草

連翹

牛蒡

桔梗

丹皮

防風

黃連

加粘米圓眼肉水煎

補者補其虛。令毒不內入。托者托其裏。令毒得外出。清者清其火。令火不內燬。解者解其毒。令毒得外化。此湯之妙。補托清解四字悉之矣。

人參白朮散

九十五

一名七味白朮散

一名參苓白朮散

人參

白朮

白茯苓

甘草

藿香

木香

乾葛

此養脾胃之方也。脾胃屬土。為萬物之母。臟腑百骸皆受氣。

於脾胃。況痘瘡始終以脾胃為主。脾胃喜甘而惡苦。喜香而惡穢。喜燥而惡濕。喜疏而惡滯。是方也。人參甘草味之甘者。也。白朮茯苓甘而微燥者也。藿香木香辛香而燥。可以開胃醒脾。乾葛味甘氣平。性輕浮。足陽明胃經之藥。可以升發胃氣。除胃熱。又能發諸毒達表。與諸品同用。能開導活動而不滯也。按史氏

大無比散

九十六

治熱毒太甚。驚狂譫語。兼治痘瘡紅紫黑陷。

滑石

飛過六兩

粉甘草

一兩

辰砂

飛過三錢

雄黃

飛過一錢

右爲末，每三五歲服一錢，十歲服二錢，一方無雄黃。

此方端治前症，兼治發熱之初，用敗毒散煎湯調下，亦能稀痘。若報痘後，用燈心湯下。

小無比散 九十七

治痘壯熱口渴，小水澀，大便秘，口氣熱，煩躁不安，或焦紫，或紅斑，自發熱至起脹時，有熱者皆可用。痘後餘熱亦可用。

滑石 六兩

石膏 一兩 五錢

粉甘草 五錢

鬱金 甘草湯煮 七錢

俱製淨末，每五歲者服二錢，大者再加。冬月燈心湯下，夏月井水調下。熱甚不解者，井水磨犀角汁調下。

若痘色紅紫、頂陷不起、加山甲末一分、麝香半分、紫草煎湯、加酒一二匙調下。

此大小無比散、能導火從小便而洩也。與六一散義同、與無比散義別。

六味地黃湯 九十入

熟地黃

山萸肉

白茯苓

丹皮

淮山藥

澤瀉

錢氏仲陽因仲景八味丸減去附桂以治小兒、蓋因小兒純陽故也。後人加減一二味、遂多立名色、除六味八味外、更有

九方大略益火壯水歸元都氣長壽補勞益陰治濕等義而
已按黃帝逸典換花煎書中有以六味湯爲主加減損益以
盡痘瘡之正變後人因之亦可奏效但不應泥於一方也
愚按李士材曰用此方者有四失地黃非懷慶則力薄蒸晒
非九次則不熟或疑地黃之滯而減之則君主弱或惡澤瀉
之瀉而減之則使力微顧歸咎於藥之無功毋乃愚乎

理中湯

九十九

人參

白朮

白朮 炒黃

乾姜

加熟附子名附子理中湯